

欽定四庫全書

普濟方卷二百八十四 明 周王朱橚 撰

癰疽門

諸癰疽

牡蠣大黃湯

牡蠣 木香 大黃 煨各等分

右咬咀每服五錢水一盞半煎至七分春夏露瀉一宿於鷄鳴時服之冬月於煖處放一宿婦人重身者

欽定四庫全書

普濟方

勿服此藥快利三兩行便勿服

又方 崑治癰疽發背一切惡瘡裏托散消內補散不用溫藥且易合親服有效

黃耆 三兩 白芍藥 二兩 甘草 一兩

右為粗末每服四錢以水一盞半煎至八分通口服無時

截毒散 治發背癰疽未有赤腫大痛

穿山甲 合蛤粉炒焦 木香 半兩 白丁香 一分



右為細末每服二字瓜萋酒調下不拘時候
櫛連散 治癰疽瘡腫未潰已潰皆可傳

櫛榔 黃連 各半 穿山甲 大者十片
兩 燒存性

右為末先點好茶以翎毛刷過瘡仍以茶清調藥傅
瘡上如熱甚則以鷄子清調傅膿已潰則用長肌藥
未快則用替針丸如見瘡口後用此藥數次了却用
萬金膏貼之候膿盡惡肉潰即用生肌散一方乳香
膏

欽定四庫全書

普濟方

奪命散

川大黃 一兩 牡蠣 燒半兩 龍腦 服時用一字

右細末每服三錢好酒三盞煎至二盞放冷入片白
腦子半字分三次服以利為度

追毒信效丸 治諸惡瘡疽腫毒悶痛活血迴瘡

明信砒 鉛丹 各半 菘豆粉 一錢

右研化蠟一錢一字油五點為丸如大麥大經瘡內
先用溫漿水洗了經瘡後上白玉膏 寒水石焙作粉便是也



穿山甲散 治癰疽諸痛未有頭者 穿山甲 <small>炒一兩</small> 天花粉 <small>二兩</small> 白芷 <small>二兩</small> 右為細末每服二錢用酒調下
追膿散 治癰疽未破用此藥潰爛膿水乾快 乳香 <small>半兩研</small> 巴豆 <small>十個去殼微帶油</small> 雄黃 <small>半兩研</small> 右細末每用少許貼在軟處又方加麝香少許用蒸餅為丸作小錠子
夜明砂膏 潰腫排膿 夜明砂 <small>一兩</small> 辣桂 <small>半兩</small> 乳香 <small>一分</small> 右細末入乾砂糖半兩研和井水調傅膏
星烏散 治癰疽已結未作穴潰 大南星 草烏頭 辣桂 <small>等分</small> 右末用酒或醋調傅軟白紙貼未穴再用
斂毒散 傅四圍收毒 南星 赤小豆 白芨 <small>等分</small> 右末井水調附四圍軟帛貼上



蚣蝎散 治癰疽瘡口小而硬貼膏藥膿不出是為風毒所勝用

赤足蜈蚣 一條去頭足 全蝎 三枚實全尾者並皆用 木香 一錢

右為細末用時先以猪蹄湯洗疽了以帛挹乾去毒每用一字摻於膏藥錢上堆瘡口貼其效如神每用神異膏合先量疽大小塗在紙花上了却用此藥摻於膏藥上要使先到瘡口故也如瘡口開闊不硬勿用若是風邪所搏即煎連根葱白五莖次入白紙末

欽定四庫全書

普濟方

半兩少頃濾清淋洗明日又洗仍服不換金正氣散

皂刺散 治癰疽等患宣毒排膿首初便服

紫黑色皂角刺 連皮瓜萋 等分 北五靈脂 減半

右剉細每服四錢酒二大盞煎至六分入乳香少許

溫皂角刺能宣毒

萬金一醉膏 治癰疽發背宣導惡核腫腦痛背已潰

未潰排膿托裏婦人乳癰皆治之一名萬金湯

瓜萋 一箇去皮碎研 甘草 生粗末 沒藥 水中研



<p>右用紅酒三大碗同於銀器內煎取其半分兩服溫服之在上食後服患在下食前服重者再劑以瘥為度出血或出黃水是效又加當歸白芷并明乳香更要宣毒加紫皂角刺一分一方名栝萸酒如大便不利可間服拔毒散方見前</p>	<p>生姜甘桔湯 治癰疽諸發毒氣上衝咽喉膈室塞不利</p>	<p>北桔 <small>去蘆頭</small> 甘草 <small>生</small> 生姜 <small>各半</small></p>	<p>欽定四庫全書 普濟方</p>	<p>右剉細每服三錢井水煎服</p>	<p>托裏黃耆湯 治癰疽發背發髭發鬢發眉發腦婦人</p>	<p>妳癰等定痛去毒</p>	<p>瓜萸 黃耆 <small>各半</small> 甘草 <small>炙二錢</small></p>	<p>右分作兩服每服水一盞半酒半盞煎至一盞去滓溫服如已作膿加皂角刺少許未作膿止依正方</p>	<p>替減丁香丸</p>	<p>草烏尖 硃砂 白丁香 <small>者堅</small></p>
---	-------------------------------	---	-----------------------	--------------------	------------------------------	----------------	--	--	--------------	-------------------------------------



右為末酸醋調點將破者令速潰但有急則無如刀
為快蟻針一法亦妙

歛瘡口散 治癰疽發背無問男子婦人先多服五香
連翹湯敷服導去惡物須詳老少壯弱多少用藥次
服托裏散敷帖又次服內補十宣散不計服敷外用
四圍散貼中間留小孔不得以藥塗盡須留小孔出
氣其四圍藥散如左

天南星 去皮 天花粉 各三錢 芙蓉葉 四錢

欽定四庫全書

普濟方

右為末用靈脂芭蕉雞子清傅赤腫加黃皮若腫不
消痛不住及要收口用桃紅散

桃紅散

白芨 石膏 煨 黃丹 炒

右三味為末乾貼之

又方

烏梅 燒灰 赤石脂 牡蠣

右同為末蜂糖調傅



射膿丸 治諸瘡癰膿水已成即當針開決出陳臭惡 瘡若其惡瘡不出欲針石湏當針開發用此藥以射 出其膿
砒霜 <small>錢半</small> 白礬灰 <small>錢一</small> 黃丹 <small>字一</small>
右為末麪糊為丸撚作錠子每用貼瘡頭欲出處以 膏藥貼之自潰
癰疽瘰癧惡瘡妙方
生髮 <small>燒存性</small> 皂莢刺 <small>燒帶生</small> 白芨 <small>一分</small>
<small>三分</small>
欽定四庫全書 普濟方
右細末乾摻或井水調傅皂莢刺能行諸藥
神仙黃礬丸 此藥止痛疼不動臟腑亦治癰疽發背 毒瘡諸般惡瘡皆效一名黃蠟丸
白礬 <small>一兩用明</small> 黃蠟 <small>半兩黃色</small>
<small>亮好者研</small> <small>好者鎔開</small>
右和丸如梧桐子大每服十丸漸加至二十九丸熟水 或溫酒送下未破則內消已破則便合加服金石發 動致疾更用白礬末一兩匙頭以溫酒調下亦三五 服效有人徧身生瘡狀如蛇頭服此一效他方雖稱



奇驗服近百粒方有力此藥能防毒氣內攻蓋能護膜也不可忽其淺近漏瘡用油髮灰和雞內金末外塞於始終服半斤瘡愈後服之尤佳不問老幼皆可服之服至一兩以上無不作效一方治蛇咬只溶化白礬乘熱滴傷處痛即止毒氣即趁出立見效要知白礬大解毒也屢試神效活人不可概舉

忍冬酒 治癰疽發背初發時便當服此不問疽發何

處發眉發頤或頭或項或背或腰或脇或婦人乳疽

欽定四庫全書

普濟方

癰或在手足服此效仍兼以麥飯石膏及神異膏塗

傅妙若鄉村或之無得藥材者虔心服之

忍冬藤

生取一把以藥入砂盆內爛研入餅子酒少許生酒尤佳調和稀稠得所塗傅四圍

中心大留一口洩其毒氣其藤只用五兩木槌微微槌不可犯鏤器 大甘草節 一兩生剉

右入砂瓶內以水二盃用文武火慢慢煎至一盃入

無灰好酒一大盃再煎十數沸去滓為三次溫服一

日一夜連進喫盡如病勢重一日一夜要兩劑服至

大小腸通利則藥力到沈內翰云如無生者只用乾



者但不及生者力大而效速○又木蓮木葉四十九片揩去毛研細酒解溫服功與忍冬草不相上下又龍鱗薜荔一握細研以酒解汁溫服亦能瀉下惡物去根本○忍冬藤凌冬不凋故名其藤左繞附樹延蔓或在園圃牆籬之上藤方而紫葉似薜荔而清故又名左纏藤二月開花五出微香蒂紅色花初開則色白經一二日則色黃故又名金銀花又名鷺鷥藤又名金釵股又名老翁鬚善治癰疽發背尤勝紅內
欽定四庫全書
普濟方
消○又大治五腫飛尸以滓去腫毒
洗藥神硝散
蛇床子 <small>二兩為粗末</small> 朴硝 <small>一兩研</small>
右和勻每服用三錢重水一盃煎三五沸去滓通手洗摻後末合瘡口
牡礪地黄膏 治癰未破腫痛
大黃 <small>一兩為末</small> 牡蠣 <small>鹽泥固濟煨赤出火毒一宿研令極細取末秤二兩</small>
右用生地黄研取自然汁調塗乾用地黃汁刷濕○



已上各方治癰未破腫痛破後塗角畔餘腫臨時詳酌更換用之○一方單用大黃為末苦酒和貼亦可○一方毛疊菜又名驅風草治諸般癰癤惡瘡貯耳其草葉梗皆有白毛開白花子先綠而後紅顆中有穰子更治風毒脚氣先煮沸水一盆盛出入藥候冷淋洗脚腫消痛住大有功效

黑鉛酒方 治發背及諸癰毒并發腦疼痛侵潰

黑鉛 一斤
甘草 三兩
微炒

欽定四庫全書

普濟方

右用酒一斗着空瓶之傍先以甘草置在酒瓶內然後鎔鉛投在酒瓶中却出酒在空瓶內取出鉛依前鎔後投如此者九度并甘草去之只使酒冷病者飲醉寢即愈

治癰疽發背及腦疽不論年遠日久新近諸般惡瘡冷漏股瘡

七八月收自落地茄子花去萼不用又八九月收黃蜀葵花去心萼不用



右並曝乾等分為細末每服用口先含漿水洗瘡令
淨以軟帛挹乾却以此藥乾摻若稍覺赤腫硬痛時
用漿水調藥如稀糊以鵝翎掃所患處用紗帛子護
定如腦疽不須洗只以軟帛拭去膿血乾摻每日一
易三次神效忌猪肉魚鮓濕麪雞羊鵝油炙燻煎炒
毒物五十日○陳氏經驗方云余每念世人以疾病
為苦而庸醫嗜利偶有名方必乘人之急邀求無厭
不稱其欲則反以致害富者固以不堪況貧者而遭

欽定四庫全書

普濟方

此故余遇有名方必務廣傳若貴若賤皆得良藥無
有疾苦余今得一治發背瘡藥甚簡而有神效勿外
藥材易得而生輕慢之心其妙有不可言者余在臨
安散施約救五六十人又在金陵散施救濟百餘人
知其有神效聖功敬錄此方鏤板傳之四海願皆得
此藥悉救病苦如有掩藏此方及毀壞者明神誅殛
普願同志廣而傳之此跋不知誰氏所作但觀其辭
切切然則所傳必有自而所施必有效余既得之不



臨熟又入乳香沒藥末少許任意服	右剉酒水等分同煎少頃入開口正川椒四十九粒	瓜萋 <small>一箇 去皮</small> 老翁鬚 <small>一兩 半焙</small>	宣毒一醉膏	盞日三夜一溫涼隨時順意服	釜內煮二三百沸香熟後冷就瓶紗濾出酒每服一	右為粗末酒四升和入大瓶內油紙竹葉牢封瓶懸	驚驚藤 <small>莖葉乾用二 兩花尤妙</small> 生地黄 <small>乾者 一兩</small>	欽定四庫全書 普濟方	脫胎攣皮於筋骨不能行步	熱顏色危惡或癩或疔婦人妳一切血氣不和留畜	藤黃煮酒散 治癰疽腫瘡深附骨在腹雖腫皮膚不	雄尖丸此方屢試有奇効甚者服至數升無害	古為細末每服三錢酒調下無時如熱甚即以此下	甘草 <small>一兩半 生半熟</small> 皂角針刺 <small>三錢燒 存性</small>	如聖散 治惡瘡背腦疽寒癰吹妳打撲損傷 <small>一名妙 勝散</small>	敢不廣其傳以成美志云 <small>一名妙 勝散</small>
----------------	----------------------	--	-------	--------------	----------------------	----------------------	--	---------------	-------------	----------------------	-----------------------	--------------------	----------------------	--	--	--------------------------------------



宣毒方	斑猫 一枚只 去翅 好大棗 一枚去核包裏斑猫一入猪 去斑猫 裨煨熟
右空心喫猪腎温酒下	癰疽毒入臟腑嘔吐惡食方
甘草 兩 焙半 丁香 半 三錢	右剉每服二錢水煎入麝少許温服
仙靈散 治癰疽腫毒傳藥收腫斂毒排膿	欽定四庫全書 普濟方
滑蘭換皮 末 紫貝草 搗	右同搗酒調為膏傅或密水調亦好滑蘭把毒紫貝 散血或單用紫貝草亦效
川烏散 癰疽初發急用	川烏 蜈蚣窠土 等分
右細末法醋調傅未結則散已結則潰	收毒外消膏 斂瘡一名內消膏
黃明牛皮膠 以長流水半 升溶開一兩 號丹 再煎柳枝急攪 五六沸一兩重	



右候冷收入磁合以鷄羽攤於瘡上留口如未破傳
腫自消

保安妙貼散 治癰疽發背腫毒

透明硫黃 為細末 蕎麥麪 各二兩

右用井花水調和作餅焙乾收下要用時再末之

入乳香少許井水調厚傅瘡上如乾以雞羽蘸新

水潤之

內托散 治發腦發鬢發髭乳癰癰疽腫毒惡瘡發背

欽定四庫全書

普濟方

內潰及諸惡毒衝心嘔逆作吐或心疼三兩服見效

托裏止痛解煩渴退虛熱一方香粉散○如此至瘡

愈方歇痛則不痛不痛則痛神驗 一名粉乳托裏散

菘豆粉 一兩 乳香 一分 銀器內慢火炒以手指候攪可撚急傾在紙上用扇搗冷

研令細入菘豆粉一方用一而乳香坐水中研細

右同研極細每服二錢至三錢惡癰惡瘡並用濃煎

甘草湯候溫調臨卧服一切癰疽發背內潰及諸惡

毒氣內行衝心煩嘔極為惡候用新汲水調下一錢



水不須多唯欲在膈上內托毒氣使不內攻日進三
兩服可救一命○兼治打撲損傷諸般內損蛇蟲咬
傷溫酒調下空心服若些小即內消大損則敗血自
大腸去矣凡癰疽膿血出未收斂間常須服之○一
方乳豆膏治癰疽腫癰疼痛用菘豆只取肉一兩乳
香竹葉裹熨斗熨一分為末酒調傅傘紙調乾則再
傅續後換消腫排膿藥○一方或瘡已沉晦用當歸
一錢辣桂二錢煎湯調下仍以加味不換金正氣散

欽定四庫全書

普濟方

為佐小兒豆瘡陷入粉乳散能救之癩瘡攻心嘔悶
通治○凡有癰疾宜先多服此藥一日至三日連進
十數服可免變證使毒氣出外服之稍遲毒氣攻衝
臟腑漸作嘔吐後來遂多致咽喉口舌生瘡黑爛生
菌名曰心氣絕飲食藥餌無由可進如瘡發三五日
之後此藥但可間服當別用藥以治之楊氏家藏方
言有人因鼻衄初愈不曾表汗餘毒在經絡背發大
疽自背下連腰脇腫甚堅如石色極紫黑醫以涼藥



<p>傳之中夜大嘔及連進此藥三四服嘔遂止既而瘡潰出赤水淋漓四十日而愈又有患瘰癧者痛過輒嘔亦止近見有人病疽醫者不肯用此藥恐傷脾胃愚故引楊氏之言以解世人之惑</p>
<p>秘方白梅散 治一切無名癰癤腦癰乳癰及小兒軟癰未成者散已成者小未潰者破未愈者定排膿止痛去舊生新其效如神萬金不換一應毒物休食立效</p>
<p>欽定四庫全書 普濟方 鹽白梅 <small>火燒存性研為細末</small> 輕粉 <small>少許不可多無亦得</small></p>
<p>右細末用真香油濃調翎毛蘸抹如成膿未潰中心留些休抹通氣抹至膿盡不妨頻抹為妙背癰腿癰皆可用</p>
<p>黃芪丸 清心內固 綿黃耆 人參 <small>各半兩</small></p>
<p>右細末入真生龍腦一錢研細用生藕汁和丸菘豆大每用三十九溫熱水下加至四十九日三服</p>



生肉神異膏 治癰疽壞爛諸瘡發毒

雄黃五錢 滑石焙用

右為末洗後摻瘡上外用綿子覆蓋相護凡洗後破爛者用此貼之

治癰毒及癰疽發背初作時貼散立效一名芙蓉散

闕

右為細末生姜自然汁調如膏傅瘡腫四面留一小竅出毒氣乾則易之其冷如冰痛止腫散毒氣盛者

欽定四庫全書

普濟方

加南星末等分

五香連翹湯 凡惡核瘰癧癰疽惡瘡腦背或灸後更服亦妙

青木香三分 桑寄生二分 沉香一分 雞舌香去頂一分 木通一分

生黃耆一分 麝香二錢 大黃酒浸 乳香 藿香 川升

麻 連翹各半

右為細末每服四錢水一大盞煎至七分任性服畧踈通或即取下惡物然後服內托散之類則毒勢易



散不為深害亦有隨即消散者此藥早服為佳
地黄煎 補虛除熱散乳石去癰癤痔疾

用生地黄隨多少用三漚三壓取汁令盡銅器中湯
上煮勿蓋覆令泄氣得減半出之布絞去滓碎結濁
滓穢再煎令如飴丸如彈丸許酒服日三

枸杞煎 治虛勞輕身益氣一切癰疽

用枸杞三十箇剉葉生至未落可用莖葉落至未生
可用根以水一石煮取五斗去滓旋將滓更入釜與

欽定四庫全書

普濟方

水依前煮五斗并前為一斛澄清去渣釜中煎取二
斗許更令小銅鍋子煎令稍稠如飴止或磁器盛重
湯煮更好每日早朝服一合半日再初服一合漸加
二聖散 治癰疽發背陰匿處通身有數十癰者
用乾牛糞燒灰治下篩以雞子白調塗之乾復易
若已結膿使聚長者方

用括蕒根為末以苦酒和傅上燥復易赤小豆亦佳
一方蕒根燒存性為末酒服之



牛膠飲 截癰疽惡瘡發險處服之如毒氣不攻於內
可從外面傳之

用牛膠通明好者淨洗乾秤四兩為準用酒一碗入
膠重湯煮令膠鎔透攪勻傾出更浸酒隨意飲盡若
能飲者以醉為度不能飲者亦用酒煎却浸以白湯
飲盡為佳此法活人甚多一方不用酒以湯泡膠一
方攤紙上隨瘡大小貼之

國老膏 治一切癰疽腫毒由服金石炙烤酒色而成

欽定四庫全書

普濟方

者初發即預期飲之能令毒不內攻功效不可具述一
名獨聖湯

用大橫紋粉草二斤搥碎河水浸一宿揉成漿汁濃
去盡筋滓再用密絹濾過銀石器內慢火熬成膏以
磁器收入每服一二匙無灰酒浸化白湯亦可曾復
燥藥丹劑亦解之雖微利無妨卧時一服五更一服
取下惡物效一方以山泉溪澗長流水一小碗徐蘸
水慢火炙水盡為度秤一兩為粗末醇酒三碗煎二



碗空心服活血消毒

遠志酒 治一切癰疽發背癰毒惡候浸大死血陰毒

在中則不痛服之即覺痛有憂怒等氣積而內攻則

痛不可忍傳之即不痛或蘊熱在內熱如火逼手不可

近傳之即清涼或氣虛血冷潰而不斂傳之即斂若

七情內鬱不問虛實寒熱治之

凡陰毒在中者不覺痛故傳之即覺痛也

用遠志不以多少泔浸洗去土槌去心為末酒一盞

調藥末三錢遲頃澄清飲之以滓傳病處潁川韓大

欽定四庫全書

普濟方

夫家累世用此救人其驗如神

又方 治癰疽發背初發時更當服此不問疽生何處

發眉發頤或頭項或背腰或脇或婦人乳癰或在手

足

用木連四十九片揩去毛研細酒解溫服功與忍冬

草不相上下先服忍冬酒後服此

又方

用龍鱗薜荔一握細研以酒解汁溫服亦能利下惡



物去其根本

又方

用紅內消不限多少納磁瓶中入水用文武火濃煎
臨入無灰好酒與藥汁相半再煎數十沸去滓時時
服之留滓焙乾為細末酒浸麪糊丸如梧桐子大空
心溫酒服下三十丸為疾退常服之藥蓋力輕故也
藥產建昌良

茱萸散 治癰疽結未成餅氣凝滯腫結成塊者

欽定四庫全書

普濟方

用茱萸微炒為細末雞子清調塗病處神效輕者宜
用此方若受重者既消而再來一方不用雞子清以
醋和塗或醋和小蒜或薑亦可

凡癰疽覺見稍大及發背初作及不問老少

一名樊
針正法

以井邊淨泥傅瘡頂上看其瘡上有一點乾處即是
正頂先以大筆管一箇安於正頂上却用大馬蜞一
條安其中頻以冷水灌馬蜞當吮其正穴膿血出毒
散是效如毒大蜞小須三四條方見功腹傍黃者力



大若吮着正穴蟻必死用水救活其瘡即愈累試甚效去毒之一端也若血不止以藕節上泥止白茅花亦妙○馬蟻又名黃蟻本草名水蛭○吳內翰備急方云其姪祖仁一日忽覺背病初腫後益大用此治之逮晚即安

治癰疽惡瘡毒腫赤白遊軫

用五毒草根醋磨傅瘡上亦搗莖葉傅之恐毒入腹亦煮服之效

欽定四庫全書

普濟方

勝金方 治發背發腦及癰疽熱癰惡瘡等

以臘月兔頭剉入瓶內密封久愈佳塗帛上後封之熱痛者得藥如冰頻換瘡

寇宗奭治丹毒發於背及一切癰腫

金星草

根葉一分

用酒一大盞煎汁服不惟下所服石藥且毒去瘡愈如不欲酒將新汲水調二錢服以知為度

癰疽宣毒方



用黑牽牛去皮取仁入猪腎中線紮濕紙包熱火灰
內煨香熟候冷溫酒嚼下

又方 治癰疽發背一切瘡腫未結成者服之內消已

結成者服之易潰兼減痛疼

一名金銀散

用老翁鬚草

一名金銀花忍冬草鷺鷥藤水楊藤左
纏花五出而白微香蒂帶紅色野生延

蔓花與葉生搗煖酒調服無花只用葉酒和葉烘煖

可傅瘡

蜀葵膏 治癰疽腫毒惡瘡

欽定四庫全書

普濟方

黃蜀葵花用鹽摻收入磁器密封經年不壞患處傅
之自平自潰蜀葵子炒碎入宣毒藥中尤驗一方冬
葵子為末以酒調之一方無花根葉皆可

涌泉膏 治癰疽軟而瘡頭不破或已破而瘡頭腫結

無膿

用斑貓去頭足翅焙為末揉和蒜膏如小豆許點在
膏藥中瘡准口處放之少頃膿出即去藥或用綠礬
真雀糞少許用餅藥調一點傅瘡頭軟處亦破須四



圍塗藥護之

神授香附湯

治癰腫結硬聚毒作痛

夷堅志云時康祖事夷廣德張

王神授方一名蜀聖散

用香附杵去皮用生姜汁浸一宿晒乾末每一錢半
米飲調下或紫蘇甘草煎湯調下進數服腫硬自消
有膿即出毒氣散

治癰疽瘡腫方

以紅茂草採根葉焙乾搗羅為末冷水調貼

欽定四庫全書

普濟方

治癰疽熱毒

用糯米三升揀去粳米入甕盆內於端午前四十九
日以冷水浸之一日兩度換水輕以水淘轉逼去水
勿令攪碎浸至端午日取出陰乾生絹袋盛掛通風
處旋取少許炒令焦黑碾為末冷水調如膏藥隨大
小裹定瘡口外絹白包定更不要動直候瘡愈若癰
疽毒瘡初發纔覺焮腫赤熱急以藥膏貼之明日揭
看腫毒一夜便消



治諸癰疽發背或發乳房初起微赤

以黃蘗末雞子白塗之

又方

以猪蹄兩隻通草六分以綿裹和煮作羹食之

治癰疽痔_口惡瘡及小兒丹方

以蟻螯為末傅上

梅師方 療癰發背初覺未成膿者或在曾乳房初起

微赤不急治之即死速消方

欽定四庫全書

普濟方

以苧根葉熟搗傅上日夜傅勿已消腫

拔毒七寶散 治癰疽止痛

用乾荷葉心當中如錢片不計多少為粗末每用三

匙水二碗慢火煎一碗半放溫淋揩乾以太白膏傅

沈遇明一方 治癰疽止痛消毒

一名二
妙散

荷葉 一兩 藁本 半兩

右為細末如前用

太白膏



用寒石飛過用臘月猪脂調成膏隨瘡大小用薄紙攤貼之

治癰疽已有瘡眼未出膿痛不可忍用此藥紙即膿出用巴豆一箇去皮膜不去心油鹽豉十四箇口中含去皮令軟同研爛入真麝少許如難丸入少稀糊捏作餅或如鼠糞尖或丸子臨時看瘡口紐之只以紙撚子送入藥便不用紙撚子須臾必痛忍之良久膿遂出

欽定四庫全書

普濟方

治癰疽發背腎癰妳癰一切瘡腫等疾生於險處者

一名

鹿木散

用鹿撲在處人取其業擣汁投溪潭中以醉魚江西人謂之魚醪草紹興人謂之鹿木臘中取根擣剉為呶咀每服用三四大錢無灰酒一大碗煎至七分滓空心食前帶熱服忌葱醬酒等煎時不得犯銅鉄器病深者日進三四服並不用膏藥貼無問男子婦人癰老幼小遠年近歲體虛氣實一切腫瘡凡在身者種



類殊異悉皆治之已潰膿自出未潰毒自消不耗真
原不動臟腑入少甘草石薜荔同煎尤佳有娠婦人
不可服

治發背癰疽

只吃白煮蘿蔔不以多少腫散為度極有神效

治癰疽發背

有人患腎大小便皆秘以明淨牛皮炭火上燒成灰
研極細每服五錢以米飲調下服至二兩許下穢惡

欽定四庫全書

普濟方

物癰腫遂消不復出膿凡瘡腫皆可服不拘多少以
臟腑通利為度

治癰瘡疽痔瘻惡瘡

用桐皮水煎傳之

治諸癰腫發背及癰癤已潰爛疼痛

用夜合煎膏消癰腫并續筋骨

治凡患癰疽惡瘡出黯血不止者

取地骨皮不拘多少淨洗先刮上面粗皮留之再刮



取細白穰取麤皮同地骨一處煎湯淋瘡上令膿血
淨以細穰貼之立效有一朝士腹脇間病疽經歲不
瘥人燒骨皮傳之初淋取出血一二升其家人輩懼
欲止病者曰疽似少寬更淋之以至五升許血漸淡
遂止以細穰貼之次日結痂遂愈

白膏藥 治癰疽惡瘡發背附骨癰等瘡

用草麻子去皮研為泥旋攤膏藥貼之消腫散毒

治癰疽癰毒膿水不出

欽定四庫全書

普濟方

用芙蓉花煮水竹筒令熱即以水竹筒吸於癰孔上
即時吸出其膿一方用芙蓉葉或小瓢代竹筒用

麝香散

白礬

明者不拘多少焙
過畧存性出火毒

右細研入黃丹如桃花色即止却多入麝香如治疾
後膿水出之不已用此藥乾摻合入瘡口

家猪散 凡破諸瘡肉厚處當先廣封四面不可擦破

氣泄有久患癰疽諸腫毒與疽生脛間及一切無名



<p>惡瘡百藥罔效經年不差或骨疽一名脛瘡深爛青黑四邊堅強中央膿血惡汁出百藥治不差汁潰好肉處皆腫亦有碎骨從中出者可溫赤龍皮湯洗夏月日日洗冬月三日四日一洗潰肉多者可時傅白藺茹散須令日三四傅後常傅家猪散得稍差後用取猪矢燒作灰下絹篩似粉填敗瘡中令滿汁出晚去更傅常傅須差若更生青肉復著白藺茹散如前法</p>	<p>欽定四庫全書 普濟方</p>	<p>染米粉方 療諸癰發背及乳方 用熬染粉令黑雞子白和之以塗練上貼癰小傅練上作小口氣令散燥復易</p>	<p>又方 用釜底土擣取散以雞子中黃和塗之加少豉稱和以五月葫及少鹽佳</p>	<p>療發背癰腫熱焮已熟者即出膿未熟者自然消除用牛蒡根嫩者洗去土勿令見風細切一大升以水</p>
--	-----------------------	---	--	---



三大升煮令爛絞去滓更盛於瓷器中重湯煎之使
如稀糊以塗爛帛貼腫上熱則易之

草烏頭散

治腫毒癰疽未潰令內消已潰令速愈

退熱散

取草烏頭用水調雞羽掃腫上有瘡者先以膏藥貼

定無令着瘡初塗病人覺冷如水瘡乃不痛

昔有人病瘡腫

頗甚以此塗之坐中便見皮皺稍稍而消

神明膏 治癰疽瘡癤毒腫無頭疼痛或有數煩熱氣

欽定四庫全書

普濟方

毒軟癢以五靈脂不拘多少微炒為末新水調塗於
故緋絹上貼之

消癰腫

以白欵二分藜蘆一分為末酒和如泥貼上日三良
一方醋和

治癰疽痔瘻瘡及小兒丹

以水煮棘根汁洗之

治羊疽瘡有蟲痒



以附子八分藜蘆二分為末傅之蟲自然出
疽瘡骨出

用黃連牡蠣各二分為末先塩酒洗後傅若發疽於
十指端及色赤黑甚難療若骨疽積年出汁不瘥熬
末膠粘傅瘡上及破生鯉魚以搗之如炊頃刮視有
小蟲出更洗傅藥蟲盡則便止

丹癰疽發浸淫進長

用鹿角桂雞屎別搗燒合和雞子白和塗乾復上

欽定四庫全書

普濟方

癰已有膿當使壞方

用吞薏苡子一枚勿多

又方

以苦酒和雀屎塗癰頭上如小豆大即穿

治癰疽 凡癰疽者肉中忽生一豔子如豆粟劇者如

梅李大或赤或黑或白或青其壓有核核有深根應

心小久四面悉腫疱黯_□紫黑色能爛壞筋骨毒入

臟腑久則不治蓋不可不慎也治之之法須以快刀



<p>著壞肉處皆割之亦燒鐵令赤烙赤三上令焦如炭亦炙黯炮上百壯為佳早春酸葶葉薄其四面防其長也飲葵根汁犀角汁升麻汁折其熱內外療醫丹毒發也</p>
<p>治背疽如火熱痛</p>
<p>取野地乾人糞下土井水調塗如水透五臟</p>
<p>治新發癰疽</p>
<p>取高脚地銅盤用水小滴擣取汁熬成膏用紙貼三</p>
<p>欽定四庫全書 普濟方</p>
<p>二即如結聚多日必多貼或服</p>
<p>治疽瘡</p>
<p>以千年石灰四兩棗木匙一張燒灰為細末貼瘡口</p>
<p>上茜根燒灰用小油調</p>
<p>治癰疽</p>
<p>用紅蓼葉以口嚼齧之勿令隔手</p>
<p>一應癰疽等瘡</p>
<p>用大葉草透骨草牛藤草擣細用麪欠傅之</p>



托裏藥內加減法

發背丁腫膿潰前後虛而頭痛者加五味子○恍惚
不寧者加人參茯苓神虛而發熱者加地黃栝蒌根○
潮熱者加柴胡地骨皮利者加厚朴○膿多者加當
歸川芎○痛甚者加芍藥乳香○肌肉遲生者加白
欽官桂○有風邪者加獨活防風○心驚悸者加丹
砂○口目瞶動者加羌活細辛○嘔逆者加丁香藿
香葉○痰多者加半夏陳皮

欽定四庫全書

普濟方

治癰疽

以惡實子吞一枚出癰疽頭

淋洗法 療癰疽敗爛水不絕

黃耆 當歸 白欽 敗醬 甘草 黃芩

川芎 赤芍藥

各一兩半

各二兩

右剉碎以水九升煎至三升去滓洗瘡百遍以帛挹
乾乾即傅膏藥如痛甚以猪蹄汁煮藥佳若夏月以
大黃二兩半黃連一兩半同煎此方神甚



藿香托裏散

當歸 升麻 葛根 白殭蠶 藿香 連翹

山梔子 甘草 木通 牛蒡子 各三錢 大黃 黃

耆 茵陳 藿麥 各五錢

右呶咀每服一兩重酒水煎去滓溫服瘡在下空心服瘡在上食後服○如一二日宜蒜切錢片當頭灸無蒜錢代若痛灸至不痛不痛灸至痛三四日則不宜灸○如一二日宜銀器內煎芝蔴油一斤十餘沸

欽定四庫全書

普濟方

入好酒二椀煎分作五服日夜服之又宜內托散○如一二日宜大黃水煎服得利為度有熱者用之如常喜服丹石炙燂之人宜粉草節熬膏臨卧服五更服○如二三日宜遠志洗淨為末酒調清服仍調濃傳瘡上熱則涼痛則止又宜灸足三里穴○如三四日已用前法合用香藥透達經絡宜五香連翹餘無熱去大黃○如已潰血熱宜十竒散虛冷未潰亦服蓋未潰不可用熱藥已潰用熱藥不可用涼藥○如



癰疽人有證為難治宜隨證治之渴治渴泄治泄汗
治汗宜黃芪白朮小麥等

麒麟竭散 大治發癰疽毒瘡至妙

麒麟竭 研 赤茯苓 為末 沒藥 研 甘草節 槌碎各一兩 老天

蘿子 一箇連皮切破新者二箇

右用蜜一兩無灰酒二升於銀石器中煎天蘿子甘草節至三盞分三服調前藥如曾服金石毒發先喫猪羊血方得服藥如不曾服金石藥只是氣結更不

欽定四庫全書

普濟方

必用猪羊血却以天蘿子酒調併進三服其瘡自穿痛立止未成膿者即自消散已穿後又進三服候膿化取下積熱毒如魚涎並不動臟腑

殊聖膏治一切癰疽腫毒不消

蝸牛 二箇細研 瓜萋穰 彈子大五塊為末 黃蜀葵花葉 皆可為末用二

右用蜀葵花搗汁以前藥末和研稠粘塗瘡上留口日三換元方云三日效退用一日見效



<p>化毒散 治癰疽惡瘡毒發背腦疽及婦人妳癰等疾</p> <p>背陰草 <small>生於深岸大澤及山谷小 澗中背陰之地葉似香需</small> 金銀藤 <small>即忍冬 花藤</small></p>	<p>右各用一大握剉碎入酒一升同煎至一升去滓再 投熱酒一升攪勻分二服放溫服以所煎滓塗瘡上</p>	<p>藥到即便痛止未成者即消已成者即收斂穿潰至 妙</p>	<p>五白散 治癰疽發背熱成赤腫及穿不瘥婦人妳癰 等疾</p>	<p>欽定四庫全書 普濟方</p>	<p>香白芷 白鮮皮 白芨 白薇 白斂 <small>各等 分</small></p> <p>右為末每三錢入乳香末一字新水調服併塗瘡上</p>	<p>出蟲膏 癰疽敗及骨疽</p> <p>用自死蝦蟇一枚頭髮一把以猪膏一斤半分二服煎 之消盡下之欲冷內塩一合攪和以膏著瘡中日一 易蟲出盡愈</p>	<p>又方 瘡口已成大窟</p>	<p>桑白皮 <small>一分</small> 當歸 <small>半分</small></p>
--	--	-----------------------------------	-------------------------------------	-----------------------	---	---	------------------	---



右為末乾摻外用艾葉蘸蜜水研細塞口
桑白散 治瘡口有熱攻焮作痛赤爛淫汁

桑白皮 新者 一兩 苦參 槐花 天花粉 晒各 半兩

右杵細末乾摻仍煎苦參桑白皮湯盪洗癢者加檳榔輕粉

五香連翹湯 志寧載在易簡脩為癰疽全功審其治法要在宣熱拔毒托裏排膿其方縱不落連翹增丁香投之亦大驟宜先行發散有川芎香黃散及白芷

欽定四庫全書

普濟方

大黃等分細末蜜醋調傅赤腫痛處蜜湯亦得一日一換差次則拔毒圓明礬一兩枯為末蠟丸桐子大每服三十丸無灰酒下定毒不走托裏則有審香散

川升麻 商陸根 大黃 各半 黃降真 吳薑黃

明白礬 研飛各 一分

右為細末溫水調服腫處便覺徹骨涼冷其腫立消已破去白礬未破用白礬治一切癰疽腫毒已破未潰抽風內消神效無比



神效膏 治癰疽一切毒瘡	竈灰汁 <small>餅藥 即是</small> 螞蟻殼灰 <small>細篩</small> 糯米 <small>白春</small>
心調下前藥	右為細末和勻作一服用瓜萋一箇酒一碗同煎空
小車熬散	車熬 輕粉 甘草 大黃 <small>各等分</small>
住少壯者加一錢	芥菜湯調下如人行五里久取下惡物三四行止自
欽定四庫全書	普濟方
大車熬散	右為末每二錢入車熬一錢輕粉一錢和勻五更初
黃芩 <small>各三分</small> 輕粉 <small>一錢</small>	大戟 芫花 菊花 檳榔 漏蘆 <small>已上各半兩</small> 大黃
或新或陳瓜萋一箇連殼穰剉碎入平椒十粒去目	閉目者不用生甘草五寸剉乳香三塊皂子大用無
灰酒三大盞煎至一盞澄清溫服一兩立效	
治癰疽急服此藥 <small>腫癰尤易見效</small>	



右先將瓦盆在日裏曝要得少溫仍將一把灰一把米層層撒在瓦盆內其灰米上約留半寸入餅藥就把在日裏曝灰米發變如角黍然時或添餅藥在日曝如用藥時取上件藥以淡餅藥調之入鉢中研成膏用手傅在瘡上以早為上如瘡方發腫時便可傅藥纔乾便傅以消散為效不可中輟其腫又移在別處再以藥仍前傅之纔移便是作效如瘡已聚膿血則藥傅四畔只留其頭使之血出亦以盡瘡口合為度

欽定四庫全書

普濟方

其瘡口或反膚有破損處千萬不可傅藥不可忍如婦人小兒只宜用清水或十分淡餅藥調之或以信紙先安在瘡上然後藥傅紙上更宜斟酌無日則以火代之先用餅藥在溫火上薰熱既入米灰則不可用火薰

百花散 治一切癰疽及諸惡瘡

黃蜀葵花

七枚

乾者

黃蘗

半兩厚者

黃連

去鬚

山梔子

三枚

去殼

鬱金

一枚



木香 沉香 <small>三分</small> 丁香 <small>兩半</small> 連翹 心獨活 <small>三分或</small> 射	五香連翹湯	每服三錢入少酒煎	大黃 <small>兩一</small> 木鱉仁 <small>兩半</small> 甘草節 <small>二錢半</small>	後人增二味效著如神	大黃湯 宣熱拔毒孫真人單煮大黃一味服取快利	汲水調攤連紙上臨卧時貼兩三次見效	平即止治小兒軟癰尤妙如患癩瘡止用五味藥新	欽定四庫全書 普濟方	調量瘡口大小煎拆熟青絹早晚蘸藥貼瘡上候瘡	更用桃奴末一錢 <small>正名桃梟乃是桃實着枝不落經冬不用者正月採用麻油</small>	真麻油調不入白芨以雞毛掃瘡口如大即入白芨	肉如欲別用藥蝕頭亦周圍用藥條圍之撮膿盡以	紙條子傅藥放寬圍之漸次圍近使毒氣不外侵生	連紙蓋之腫消紙落或未消即再用藥如已有頭以	井花水調如腫未成頭即用芘子傅藥於腫處以薄	右為細末每用藥末五錢許即入白芨末一錢和勻
---	-------	----------	---	-----------	-----------------------	------------------	----------------------	---------------	----------------------	--	----------------------	----------------------	----------------------	----------------------	----------------------	----------------------



木香散 治瘡難消不能作膿痛不止	草神效	蜜二分取性飲之滓傳瘡一宿消去已潰即可出本	採葉并根約一蘿淨洗椿取自然汁二盃每汁八分	又方名絡石飲	溫服利下惡物為度	右為末每服二錢薑三片薄荷三葉水一盞煎空心	甘草 <small>炙</small> 麻黃 <small>根節</small> 大黃 <small>半炒</small> 朴硝 <small>後入</small>	欽定四庫全書 普濟方	漏蘆 連翹 黃芩 白斂 枳殼 <small>去穰</small> 升麻	千金漏蘆湯	空心熱服未利再進利下惡物為度	同前加乳香蒸大黃一兩每服四大錢水二盞煮半	又陳無擇方	氏方無大黃者多服不妨與漏蘆湯間	干 升麻 黃芪 木通 桑寄生 <small>最治此疾如無倍升麻</small>
-----------------	-----	----------------------	----------------------	--------	----------	----------------------	--	---------------	-------------------------------------	-------	----------------	----------------------	-------	-----------------	---



<p>地骨皮 <small>一兩 去皮</small> 木香 <small>半兩</small> 穿山甲 <small>一錢 炙黃</small> 麝香 <small>一字</small></p>	<p>右為細末酒調下三錢及小兒癩後生癰米湯調下效如神</p>	<p>止痛膏 治脂癰痛徹骨髓脚根腫痛</p>	<p>泥蜂窠 <small>作窠於壁門蟻蛉窠也搗持下間有之</small> 乳香 <small>少許</small></p>	<p>右同碾勻用新冷水調塗之痛立止一方用礬醋調療蜂窠癰</p>	<p>用黑蜂窠調泥法醋傅之纔乾又傅痒而不痛立效</p>	<p>欽定四庫全書 普濟方</p>	<p>右方得之循州謝推官雷仲渠家三世施此藥鄉人言是獲登第之報</p>	<p>治諸腫毒欲作癰疽者 用赤小豆末以水和塗便可消散毒氣今人往往用之有效</p>	<p>治癰疽 以蚌珠煮汁洗之</p>	<p>主解毒癰疽神效</p>
--	--------------------------------	------------------------	--	---------------------------------	-----------------------------	-----------------------	------------------------------------	--	------------------------	----------------



以釵子股萬州者佳用草莖以水煎服

療患毒癰疽或連陰脾疼痛急攣牽入小腹不可忍一

宿則殺人

用茴香苗葉搗取汁一升服之日三四用其滓以貼
腫上冬中根亦可用此外國方永嘉以來用之起死
神效

治一切癰疽及發背

用白冬瓜一二斗許大冬月收為菜壓去汁蜜煎代

欽定四庫全書

普濟方

果遇患處者削一大塊置瘡上熱則易之分散熱毒
氣甚良

治初患瘡發背脇間未辨癰疽者若陽滯於陰即為癰
陰滯於陽即為疽癰即皮光赤疽即皮肉紋起不澤
以葫柴皮者切作片子厚一分覆之用艾灸如痛灸
至不痛如不痛灸至痛初覺即便灸無不效者仍審
度於正中心貼葫灸之世人往往忽略此瘡初見其
瘡小不肯灸惜哉



治癰疽生臭惡肉	以白藺茹為散傅之看肉盡便停但傅諸膏藥若不 生肉又傅黃耆散惡肉仍不盡者可以漆頭赤頭藺 茹為散用半錢匕和白藺茹散參錢匕合傅之瘡
治金石藥發動作癰疽渴疾	以菩薩石用水磨服之
治癰疽初發速用即安	鯉魚灰酸醋調傅
欽定四庫全書	普濟方
又方	獨蒜細研麻油調厚傅乾即換愈
治石癰無膿者	生商陸根研傅頻換
又方	狼拔子出泉州一二粒挫細酒下利三行愈或只用 水下
治臀疽	



兩半 清油 斤一	梔子仁 黃連 <small>去鬚</small> 黃芩 <small>去鬚</small> 鉛丹 <small>六兩</small> 垂柳枝 <small>兩</small> 蠟 <small>二兩</small>	木通 <small>剉</small> 甘草 <small>炙</small> 當歸 <small>剉</small> 白芷 <small>去蘆</small> 防風 <small>去蘆</small> 細辛 <small>去苗</small>	神效膏 治癰疽發背熱毒氣結腫痛堅硬上疼痛	厚以新水潤之其效如神	四圍留瘡頭已破者亦留瘡口勿塗乾即再傅之藥	右等分同為細末以生地黄自然汁調稀稠塗瘡上	石膏 <small>火煨</small> 藿香葉 蚌粉 香白芷 雄黃 <small>研</small>	欽定四庫全書 普濟方	地黃膏 治一切癰疽兼治毒蟲所傷	以紫荊木煮汁服之	治癰疽 以紫貝殼燒煨為灰傅之	治癰疽 破故紙炒熟研細酒下	又方 乳香田螺研勻
----------------	--	---	----------------------	------------	----------------------	----------------------	---	---------------	-----------------	----------	-------------------	------------------	--------------



<p>右除丹蠟油外碎剉先以油內浸藥一宿於火上煎 候白芷赤黑色絞去滓再煎即下丹蠟柳篋攪後變 黑色滴水中成珠子軟硬得所釐合盛故帛攤貼日 二次以瘡為度</p>	<p>治諸疽附骨癰根在臟腑歷節腫出丁腫惡脉諸毒皆 瘡</p>	<p>露蜂房 亂髮 蛇皮</p>	<p>右三味合燒灰酒服寸匕日三</p>	<p>欽定四庫全書</p>	<p>普濟方</p>		<p>普濟方卷二百八十四</p>
--	------------------------------------	------------------	---------------------	---------------	------------	--	------------------

